

Broj: UP1-06-13-1-97-2/24
Mostar, 29.4.2024. godine

Na osnovu člana 19. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 17. i člana 35. stav (1) tačka a) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16, 82/21 i 1/23), postupajući po Zahtjevu za izmjenu i dopunu dozvole za rad (licence) broj UP1-06-13-1-97-1/24 od 18.03.2024. godine podnosioca zahtjeva EOL PETROL d.o.o. Sarajevo, ul. Patriotske lige bb, Sarajevo, Sarajevo-Centar, zastupanog po prokuristi Dini Pašoviću, u postupku izmjene i dopune Dozvole za rad (licence) za trgovinu na veliko naftnim derivatima osim LPG-om broj UP1-06-13-1-28-1/21, Regulatorna komisija za energiju u Federaciji Bosne i Hercegovine – FERK je 19.4.2024. godine na XI redovnoj sjednici donijela sljedeće

RJEŠENJE

1. Dozvola za rad (licenca) za trgovinu na veliko naftnim derivatima osim LPG-om broj UP1-06-13-1-28-1/21 izdata Rješenjem broj UP1-06-13-1-28-7/21 od 26.5.2021. godine i izmijenjena i dopunjena Rješenjem broj UP1-06-13-1-131-4/21 od 15.7.2021. godine imaocu dozvole EOL PETROL d.o.o. Sarajevo mijenja se i dopunjuje, te glasi kao u prilogu koji je sastavni dio ovog rješenja.
2. Dozvola za rad (licenca) važi do 21.6.2026. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tački 1. i 2. ovog rješenja.
4. Ovo rješenje je konačno, te se objavljuje na službenoj internet stranici FERK-a.

Obrazloženje

Dana 18.3.2024. godine FERK je pod brojem UP1-06-13-1-97-1/24 od podnosioca EOL PETROL d.o.o. Sarajevo zaprimio Zahtjev za izmjenu i dopunu dozvole za rad (licence) u postupku izmjene i dopune Dozvole za rad (licence) za trgovinu na veliko naftnim derivatima osim LPG-om broj UP1-06-13-1-28-1/21 radi promjene adrese sjedišta društva.

Zaprimljeni zahtjev je pregledan u skladu sa članom 12., članom 19. i članom 21. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, na osnovu čega je FERK utvrdio da je podneseni zahtjev potpun.

S obzirom na to da su uz Zahtjev za izmjenu i dopunu dozvole za rad (licence) navedene činjenice i podneseni dokazi na osnovu kojih se može utvrditi stanje stvari, a na osnovu kojih je jasno da podnosilac zahtjeva ispunjava kriterije iz člana 21. Zakona o naftnim derivatima u Federaciji Bosne i Hercegovine odnosno iz člana 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je utvrdio da su ispunjeni uslovi za primjenu odredbe člana 37. stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Na osnovu obrade Zahtjeva za izmjenu i dopunu dozvole za rad (licence) broj UP1-06-13-1-97-1/24 od 18.03.2024. godine podnosioca EOL PETROL d.o.o. Sarajevo i dokumentacije priložene uz zahtjev, izvršena je izmjena i dopuna Dozvole za rad (licence) za trgovinu na veliko

naftnim derivatima osim LPG-om broj UP1-06-13-1-28-1/21, radi promjene adrese sjedišta društva. Predmetna dozvola za rad (licenca) je izmijenjena i dopunjena u skladu sa zahtjevom podnosioca, te odredbama naprijed navedenih Zakona o naftnim derivatima u Federaciji Bosne i Hercegovine i Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, s tim da su period važenja dozvole za rad (licence) kao i njeni uslovi ostali nepromijenjeni. Postavljeni uslovi uvažavaju potrebu, ali i obavezu EOL PETROL d.o.o. Sarajevo da u rokovima propisanim u uslovima dozvole za rad (licence) za trgovinu na veliko naftnim derivatima osim LPG-om broj UP1-06-13-1-28-1/21 iste ispuni, u cilju zadovoljavanja propisanih kriterija.

Na osnovu navedenog, odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDSEDAVAJUĆEG FERK-a
Jasmin Bešo

Dostaviti:

- EOL PETROL d.o.o. Sarajevo (poštom preporučeno uz dostavnicu)
- Federalnom ministarstvu energije, rudarstva i industrije (poštom preporučeno uz dostavnicu)
- Sektoru za tehničke poslove i licence